

déi *K*onservativ

Pressematdeelung

21.03.2017

Eng nei Partei ass gebuer. 🇱🇺

D'Partei „déi Konservativ“ huet d'Freed, fir d'Medien an d'Press iwwert hir Grënnung, den 21. Mäerz 2017, z'informéieren.

Mat Suerg ëm d'politesch, d'ekonomesch an d'sozial Entwécklung vun eisem Land, a foussend op de Grondsätz vu Verfassung, Rechtsstaat, a konstitutionell-parlamentarescher Monarchie, huet sech am Interessi fir eist Land an eis Bierger, eng nei politesch Partei gegrënnt.

„déi Konservativ“ versti sech, getrei hire Statuten, als Partei op konservativer a patriotescher Grondlag, an hu mat hirem rechtliche Status, elo hir offiziell politesch Plaz a Legitimitéit an der Lëtzebuerger Partielandschaft. Et ass och gläichzäiteg eng Partei, déi sech dem Mainstream an der politescher Korrektheit entgéint stellt, a sech am vollsten Asaz fir d'politesch Alternativen am Land engagéiert. „déi Konservativ“ ass eng nei politesch Chance! Getrei dem Papp vum Konservatismus, dem Edmund Burke dee soot, *“when bad men combine, the good must associate; else they will fall one by one, an unpitied sacrifice in a contemptible struggle.”*

D'Grënnungsversammlung vum 21. Mäerz 2017 huet e geschäftsféierende Virstand ernannt, mat ënner anerem, dem Joe Thein als Nationalpresident, dee bis zum éischten offiziellen an aussergewöhnleche Nationalkongress den 10. Abrëll um 19h00 zu Rodange, d'Parteileedung vertritt. D'Partei wäert zu engem spéidere Moment, all weider Informatiounen bekannt maachen.

gezeechent,

déi Konservativ